



Sharfida iyo Abaalmarinta: Dugsiga Dhexe ee Beaumont oo ku guuleystay tartankii muusikada jazz-ka

Barnaamijka Dugsiga Dhexe ee Beaumont wuxuu sii wadaa in uu yeesho sanad xoogan isaga oo kaalinta koowaad ka galay Bandhiga Sanad-guuradii 57 ee Muusikada Jazz-ka ee Kulliyadda ee Vancouver, Wash., ka dhacday bishii la soo dhaafay.

Beaumont waxaa matalayay Safiiradadooda Muusikada Jazz-ka, oo ah koox ka kooban 20 xubnood oo lagu soo xushay wareysi laga qaaday. Ka dib markii ay kaalinta labaad ka galeen Clark labadii sanadood ee la soo shaafay, Beaumont waxay gashay kaalinta u sareysa, taasi oo ah wax ay samaysay hal mar oo kale dhacdadii, sanadkii 2015-kii.

“Waxaan yeelanay barnaamij xoog badan sanadkani,” ayay sheegtay Cynthia Plank, oo sanadkeegii 17^{aad} ah maamulaha kooxda muusikada ee Beaumont.

Tartanka Clark wuxuu ka koobnaa kooxaha muusikada oo ciyaaraha 25-daqiiqo galabtii, iyada oo saddex kooxood oo muusikada ahi ay hore ugu gudbayeen kaalinta kama dambeysta oo dhacaysay fiidkii. Bakhtiyaanasiib ayaa lagu go'aamiyay sida loo kala horeynayo ee loogu talagalay in ay dhacdo 15-daqiiqo ee kaalinta kama dambeystu, inkasta oo Plank ay dhahday in kooxdu muusikadu jeceshay in ay wax soo bandhigto waqti ka dambeeya kooxaha kale, hadana Beaumont ayaa bilowday oo isla markaana guuleysatay.

Marka laga yimaado guusha kooxda, saddex arday oo ka tirsan Beaumont ayaa helay shahaadooyinka dhanka muusik wanaaga ee loogu talagalay kali-kali u ciyaarida intii lagu jiray kulamadii galabtii. Veronica Bianco ayaa helay sharafta loogu talagalay qalabka muusikada alto flute ee kali-kali u ciyaarida, Dakarai Dove oo helay sharafta qalabka muusikada ee percussion ee kali-kali u ciyaarida iyo Eva Lieberman oo helay sharafta qalabka muusikada ee alto saxophone ee kali-kali u ciyaarida

Safiiradada Muusikada Jazz-ka waxay qayb ka yihiin barnaamijka muusikada horumarka gaaraya ee Beaumont, oo ay ku jiraan kooxda muusikada jazz-ka buuxda oo kale oo leh 40 xubnood iyo laba kooxaha muusikada oo yar oo isku jira, Plank ayaa horseed ka dadaala lacagta loogu ururinayo oo ay ku jirtay riwaayad dhawaan ka dhacday Mission Theatre oo ay ka qayb qaateen lix kooxood oo dhanka muusikada ah iyo fannaanka marti ah [Carlton Jackson](#), oo ah muusikiiste caan ah oo degaanka aad looga yaqaano.

Lacag ururintu waa qayb muhiim ah oo awood loo yeelanayo ardayda dhammaantood lagu siiyo fursad ay ku bartaan muusikada iyaga oo jooga Beaumont, halkaasi oo Maamule Harriette Vimegnon uu yahay taageero weyn uu leeyahay barnaamijka muusikadu, ayay sheegtay Plank.

“Ujeedayadu waa in aan isticmaalno dhaqan dhiirigelinaya in qof kastaa ku dadaalo gaarista heerka ugu sareeya ee ay gaari karaan, iyada oo aan la eegayn awoodiisa dhaqaale si uu uga qayb qaato,” ayay sheegtay Plank.

Beaumont waxay guulo ka soo hoysay tartano kale sanadkani. Iyada oo ka dhacday Dugsiga Sare ee Skyview oo ku yaala Vancouver, kooxda muusikadu waxay ku guuleysatay dhacdada la akhriyayo muusikada oo kedis ah ‘sight-reading’ taasi oo muusikiistayaashu helaya muusik yar oo kooban laga rabo in ay haystaan shaq daqiiqo oo ay ku fiiriyaan ka hor inta aysan u soo bandhigin dadka wax kala saaraya ‘judges’. Beaumont waxay sidoo kale ku guuleysatay shan ah abaalmarinnada shakhsi ahaaneed oo ahaa tartan ka dhacay Jaamacadda Oregon, halkaasi oo saddex muusikiiste oo abaalmarinno ku guuleystay markii ay jooheen Clark lagu sharfay iyada oo ay weheliyaan saaxiibadooda kooxda muusikada ee Riley Hoffer (alto sax) iyo Luke Chaplain (vibes).

Dhacdada ka dhacday Clark, saddex arday oo ka socday Dugsiga Dhexe ee Robert Gray ayaa ku guuleystay shahaadooyinka dhanka muusik wanaaga: Margot Puller, Peter Platosh iyo Emma Hayes. Laba muusikiiste oo ka socday Lincoln, Jack Baker iyo Thomas Tuerff, ayaa loo aqoonsaday dhanka muusik wanaaga taasi oo la xiriirtay qaybta dugsiga sare ee dhacdada.

Lincoln oo ku guuleysatay tartankii Dastuurka: Markii 20^{aad} Lincoln waa horyaalka Oregon ee tartanka Dastuurka gobolka ee Anaga oo Dadka ah “We the People”. Lincoln waxay horyaalka ku guuleysatay Janaayo 26 taasi oo ka dhacay Mark O. Hatfield Courthouse, taasi oo soo gababeynaysa laba sanadood ee ay hoggaanka haysay Grant, oo gashay kaalinta labaad. Sidoo kale iyaga oo ka socday PPS, Franklin ayaa gashay kaalin afaraad, iyada oo Cleveland ay gashay kaalinta shanaad.

Tartanka, oo bilaabmay 1987-kii, waxaa sanadka kasta ku guuleystay Lincoln ama Grant midkood, iyaga oo ku guuleystay 12 jeer.

Guushu waxay Lincoln u keentay boos ay ka hesho tartanka qaranka, oo Ariil 26-28 lagu qaban doono Washington, D.C. Lincoln waxay ku guuleysatay horyaalnimada qaranka lix jeer, kii u dambeeyay wuxuu ahaa 2016.

Grant waxay sidoo kale ku tartami doontaa tartanka qaranka iyada oo u soo baxday ‘wild-card berth’. Sanadkii la soo dhaafay, Generals ayaa ku guuleystay horyaalka qaranka markii afaraad.

Dib u dhiska Grant oo ku guuleystay abaalmarin: Dib u dhiska Dugsiga Sare ee Grant ayaa helay abaalmarin loogu talagalay dadaaladiisa uu kaga hortagayo xatooyada iyo kharibaada dhismaha. Mashruucu wuxuu Abaalmarinta Iskaashiga ka heli doonaa Shirkadda Ganacsiga Dhismaha Pacific Northwest Barnaamijkeeda Ka Hortagga Dembiyada xafaldeeda ka dhacaysa Multnomah Athletic Club oo la qabanayo Arbacada, Febraayo 13.

Dugsiyada Dadweynaha Portland waxay mid yihiin toddoba uu iskaashi ka dhexeeyo barnaamijka oo la aqoonsan doono hawsha ay qabteen, oo ay weheliyaan Anderson/Colas Construction, Beeraha Nasashada & Raaxada Portland, Xafiiska Booliiska ee Portland, Xafiiska Magaalada Portland ee Bulshada iyo Noloshada Bulshada, Safeguard Security iyo CICP.